

այսպէս սիրով և խաղաղութեամբ մեկնեցաւ Նուրի էֆէնտի իւրովքն հանդերձ 'ի Յոսպէ՝ նաւել անտի 'ի Կոստանդինուպօլիս . բայց զԻլամն և զՀէօճճէթն զորս շարագրեաց 'ի միասին ընդ Դատաւորին համաձայն մտաց առաջին եւ երկրորդ հրովարտակաց , միայն զԻլամն արար 2 օրինակ , զմին առաքեաց առ Կուսակալն Դամասկոսի , և զմիւսն ընդ սուրհանդակին 'ի Կոստանդինուպօլիս , և զՀէօճճէթն էառ ընդ իւր ցուցանել 'ի սպառնաճաւոր տեղիս . իբրեւ խընդրեցին Հայք զպատճէնս նոցին , ոչ ետ , ասելով թէ չէ ձեզ հարկաւոր : (Երանի թէ տուեալ էր) :

Իսկ թէ ոգորոս Պատրիարք գրեաց առ Փոխանորդ Պօղոս վարդապետն , զի խորհրդով ազգայնոց ջանացին հընարս գտանել կանդնելոյ լուսարարին Հայոց փոփոխակի ընդ լուսարարին Յունաց 'ի Գերեզմանն Քրիստոսի , զի յԵրուսաղէմ անկարելի եղեւ առնել զայն :

Բեռչխն Սիդնի որ նստէր յԱսկազոն , Միւթէվէլլի դրան տաճարին Ս . Յարութեան պահանջէր գումարս 'ի Հայոց հաւասար Կուսակալին Դամասկոսի , եւ Փոխանորդնորին որ նստէր 'ի Յոսպէ՝ խնդրէր 25,000 դահեկան , և վասն սոցին կային վարանեալ Հայք , զի մի չարիս հասուսցեն ուխտաւորաց և գոյից վանաց , որպէս արարին 'ի Զմիւռնիոյ և յԵփեսոսէ եկեալ բեռանց , զի զինի 50 աւուրց հազիւ կարացին ազատիլ 'ի ձեռաց նոցա : Յոյնք արգելեալ էին հրամանաւ Կուսակալին զնուազարանն Լատինաց 'ի Ս . Յարութիւն , և 'ի սոյն աւուրս 'ի միջնորդելոյ Դատաւորին , հրաւիրեցին նուագել զայն և սիրով միարանել ընդ ինքեանս 'ի վնաս Հայոց , զի Լատինք մինչեւ ցայս վայր իբրեւ թէ սիրով վարէին ընդ Հայս , այլ յորժամ շահեցան Հայք զիրաւունս բաժանորդութեան 'ի Ս . Տեղիս , վշտացան յոյժ , զի նոքա ձօխացեալ պանծային յԵւրօպակիան Տէրութիւնս , և այնպէս ոչ կարացին վերստին թափել 'ի ձեռաց Յունաց զեկեղեցին Բեթղեհէմի և Ս . Աստուածածնի , թէպէտեւ յաջողեցան առնուլ հրովարտակ 'ի Սուլթան Մահմուտէ , այլ ոչ կարացին առնել ինչ . նրմին իրի թէ առ նախանձու և թէ առ վշտի սրտից իւրեանց , մանաւանդ հակամէտ 'ի գրդութիւնս Յունաց , սկսան հակառակիլ վասն ժամանակի Պատարագին 'ի Բեթղեհէմ ,